**VOLUME 3 / ISSUE 1 / UIF:8.2 / MODERNSCIENCE.UZ** 

#### MIR ALISHER NAVOIYNING FALSAFIY DIDAKTIK ASARLARI TASNIFI

#### Shodmanova Iroda

Bandixon tuman kasb-hunar maktabi ona tili va adabiyot fani òqituvchisi <a href="https://doi.org/10.5281/zenodo.10524855">https://doi.org/10.5281/zenodo.10524855</a>

Annotatsiya. Mazkur maqolada Mir Alisher Navoiyning falsafiy didaktik asarlari tasnifi va ularning o'ziga xos xususiyatlari haqida ma'lumotlar berib o'tilgan. Maqola davomida asosli fikr va mulohazalar keltirib o'tilgan. Maqola so'nggida xulosa va takliflar keltirilgan.

Kalit so'zlar: Alisher Navoiyning falsafiy didaktik asarlari, turkiy adabiyotning mashhur va tengsiz vakili, ezgulik, adolat, nafosat.

### CLASSIFICATION OF PHILOSOPHICAL DIDACTIC WORKS OF MIR ALISHER NAVOI

**Abstract.** This article provides information about the classification of Mir Alisher Navoi's philosophical didactic works and their characteristics. During the article, reasonable opinions and considerations are mentioned. Conclusions and suggestions are given at the end of the article.

**Key words:** philosophical didactic works of Alisher Navoi, famous and unparalleled representative of Turkish literature, goodness, justice, sophistication.

#### КЛАССИФИКАЦИЯ ФИЛОСОФСКО-ДИДАКТИЧЕСКИХ ПРОИЗВЕДЕНИЙ МИР АЛИШЕРА НАВОИ

**Аннотация.** В данной статье представлена информация о классификации философско-дидактических произведений мир алишера навои и их характеристика. В ходе статьи приводятся обоснованные мнения и соображения. Выводы и предложения приведены в конце статьи.

**Ключевые слова:** философско-дидактические произведения алишера навои, известного и непревзойденного представителя турецкой литературы, добро, справедливость, утонченность.

Hazrat Alilsher Navoiy turkiy adabiyotning mashhur va tengsiz vakili hisoblanadi, boisi ulugʻ mutafakkir turkiy til ravnaqi uchun mislsiz xizmat koʻrsatgan. Navoiy ijodini ulkan togʻning eng yuqori choʻqqisiga qiyoslashadi. Bu, albatta, haq gap. Alisher Navoiy asarlari zamirida bir olam ibratli ma'no hamda hayotiy saboq mujassam. Bu esa oʻz navbatida bizni haq yoʻldan ogʻishmay yurishimiz va komillikka yetishishimiz uchun zarur boʻlgan hayotiy saboqlardir.

Insonni olam gultoji deb ulugʻlagan hazrat Navoiyning butun hayoti ijodi zamiridagi ezgulik, adolat, nafosat kabi yuksak tuygʻular dunyoni obod va munavvar qildi, bashariyatni ma'naviy halokatdan qutqardi degan qat'iy ishonch mujassam. Nizomiddin Mir Alisher Navoiy asarlarida orasida tinchlik va insonparvarlikni tarannum etuvchi gʻoyalar juda koʻp uchraydi. Mazkur asarlarda tinchlikning naqadar ulugʻ ne'mat ekanligi, osonlikcha erishib boʻlmasligi alohida e'tirof etiladi. Biz buning yaqqol misolini Navoiyning davlat arbobi sifatida yurt ravnaqi, xalqning farovonligi yoʻlida qilgan barcha sa'y-harakatlari misolida ham koʻrishimiz mumkin.

Insonlarning eng ulugʻi oʻziga ravo koʻrgan yaxshilikni oʻzgalarga ham ravo koʻrganlaridir. Ya'ni: "Yaxshidin yomonlar ham yomonligʻ koʻz tutmas, yaxshi yomonlargʻa ham

*VOLUME 3 / ISSUE 1 / UIF:8.2 / MODERNSCIENCE.UZ* 

yaxshiligʻni unutmas. Yaxshiliq qila olmasang, yomonliq ham bore qilma. Yaxshiliqdan yomonligʻni yaxshiroq bilmasang, yaxshilarga qoʻshul, yaxshiliq tegrasida evrula olmasang, yaxshilar tegrasida evrul"- deydi.

Ta'kidlash zarurki, falsafiy-didaktik asarlarini eng asosiylaridan biri bu «Hayratul-abror» dostoni hisoblanadi.

«Hayratul-abror» («Yaxshilarning hayrati») dostoni 1488 yilda yozilgan bo`lib, 64 bobdan tarkib topgan. Jami 3988 bayt (7976 satr)dan iborat. Dostonning 21 bobimuqaddima, 40 bobiasosiy qismi bo`lib, 20 maqolot, 20 hikoya va masaldan tashkil topgan. So`nggi 3 bobixotimasidir.

Dostonning asosini 20 maqolot tashkil etadi, hikoya va masallar ularga ilovalar sanaladi. Dastlabki to`rt maqolot imon, islom, salotin va «riyoyi xirqapo`shlar suluki» haqida bo`lib, keyingi maqolotlarda axloqiy tushunchalar xususida bahs etadi. Shoir olg`a surgan axloqiy-ta`limiy qarashlar silsilasida xulq-odobni, mehnatsevarlikni, saxovatpeshalikni, mehribonlik va adolatpeshalikni, umuman, insonni sharaflovchi ezgu fazilatlarni targ`ib etish va insonni tubanlashtiruvchi yaramas odat va xislatlarni shafqatsiz tanqid qilish yetakchi tamoyildir.

Jumladan, beshinchi maqolatda karam xususida mulohaza yuritiladi. Unda saxiylik bilan baxillik bir-biriga qarshilantirilib, axloqiy mohiyatiga baho beriladi.

Shoir talqinicha, saxovat-olijanob insoniy fazilat, lekin uning o`ziga xos shartlari bor. Bular tubandagilar; a) saxovat ehtiyojga nisbatan beminnat bo`lganidagina joizdir; b) saxiylik deb to`kib sochish -isrofdir; v) kimdandir tama`girlik bilan saxovat kutish-haromdir.

#### Binobarin:

Oni saxiy anglagil, ey xushmand,

Kim ani davlat qilibon sarbaland.

Holi agar yaxshi durur, gar taboh,

Kimsadin etmas tama'i molu joh,

Har neki haq, bersa qanoat qilur,

Ham neki amr etsa itoat qilur.

(«Ey hushyor odam, sen shunday odamni saxiy deb bilki, baxt-davlat uning boshini yuqori ko`tarib, ahvoli yaxshi bo`lsa ham, yomon bo`lsa ham birovdan molu amal tama` qilmasa. Bunday odam xudo nima bersa-qanoat etadi, nimani buyursa-bo`ysunadi». («Hayratul-abror», Nasriy bayon qiluvchi A. Hayitmetov. T., G`ASN, 1974, 49-6.) Navoiy saxovatni shu xilda tushuntirarkan, kishilarning saxovatiga ko`z tikishdan ko`ra o`z qo`l kuchi bilan kun ko`rish naqadar olijanob insoniy fazilatligini ko`rsatish maqsadida «Hotami Toyi hikoyati»ni keltiradi.

To`qqizinchi maqolotda ishqni vasf etsa, o`ninchi maqolotda rostgo`ylik va to`g`rilikdan bahs yuritadi. Bunda shoir xilma-xil o`xshatishlar vositasida rostgo`ylik va to`g`riliknint yolg`onchilik va egrilikdan afzallik xususiyatlarini ochib beradi. Nihoyat yolg`on so`zlashi tufayli ovchi tuzog`iga ilingan durroj (tustovuq) holatini bayon etuvchi «Sher bilan durroj» masalini keltiradi. Masalda keltirilishicha, bir beshada sher yashar, har gal bolalasa, chumolilar (mur) uning bolasini nobud qilaverganidan yurak oldirib kuygandi.

Shu sababli:

Tishlabon ul moyai payvandini

Og`zida asrar edi farzandini.

*VOLUME 3 / ISSUE 1 / UIF:8.2 / MODERNSCIENCE.UZ* 

Biroq shu «beshada» bir durroj ham yashar, hamisha sher vahmidan choʻchiyverganidan qoʻqqisdan: «fir eta» uchar, bundan shervachcha seskanib ketardi. Bu holdan sher gʻam chekardi, Nihoyat sherning Koʻngli bu ishdin boʻlib ozorlik, Boshladi durroj bila yorlik.

Va unga boshiga har qanaqa tashvish tushsa, koʻmaklashmoqqa soʻz berib, qoʻqqisdan uchaverib, uning bolasini qoʻqitmasligini shart qilib qoʻydi. Endi durroj uning yonida choʻchimay emin-erkin yashay boshlaydi. Hatto shu eminligiga ishonch hosil qilish uchun sherni sinamoqchi boʻlib, bir gal ovchi domiga tushdim deya faryod koʻtardi. Sher uni qutqarmoqqa borsa, faryod yolgʻon boʻlib chiqadi. Durroj bu harakatini bir necha bor takrorladi. Shu sababli sher unga ishonmay qoʻydi, Boshqa bir mahalda durroj chindan ham sayyod domiga tushadi. Bu gal u:

Qichqiribon dom aro ul mubtalo, Necha dedi, tot meni tuttilo. Sher kulogiga etib ul makol, Savtini doyimgidek etti xayol. Ko`p eshitib erdi bu yolg`onini, O`yla gumon etti chin afg`onini. Har necha kim rost fig`on ayladi, Sidqini ham qkizb gumon ayladi.

Shu tarika, durroj o`z yolg`onining qurboni bo`ldi. Masaldan kelib chiqqan xulosa shu! Alisher Navoiy ana shu axloqiy-ta`limiy qarashlarini butun hayoti va ijodiy faoliyatining sintezi bo`lgan «Mahbub ul-qulub» («Qalb sevgilisi», 1500) asarida yanada chuqurlashtiradi. Bu asar ustozlari Shayx Sa`diyning «Guliston», «Buston» va Abdurahmon Jomiyning «Bahoriston» singari didaktik bitiklari an`analaridan ijodiy ilhomlanib yozilgan bo`lib, tarkibiy jihatdan uch qismdan iborat:

Birinchi qismi «Xaloyiq ahvoli va atf oli kayfiyatida» («Kishilarning ahvoli, fe`l-atvori va gap-so`zlarining ahamiyati haqida») bo`lib, 40 fasldan tashkil topgan. Ularda jamiyatdagi turli ijtimoiy tabaqalar hamda ularning ijtimoiy mavqeini tavsiflash etakchilik qiladi. Odil podsholar, beklar, nomunosib noyiblar (o`rinbosarlar), zolim podsholar, diyonatsiz sadrlar (mansabdorlar), maqtanchoqlar, yasovullar, lashkarlar, shayxul-islom, qozilar, qonunshunos muftilar, mudarrislar, tabiblar, mutasavvuflar (bularni nazm gulistonining xushovoz qushlari deb ataydi muallif), kotiblar, maktab ahli, mutrib va mug`anniylar, ashulachilar, qissaguylar, va`zxonlar, munajjimlar, savdogarlar, kosiblar, xalq amaliy san`ati ustalari, mirshablar, zindoniylar, qoravullar, dehqonlar, bezorilar, g`arib va bechoralar, gadoylar, qushchilar va ovchilar, uylanish va xotinlar, riyokor shayxlar, xarobot ahli-rindlar haqida batafsil ma`lumotlar berarkan, feodal jamiyatga xos ijtimoiy tabaqalanish xususiyatlarini ochadi.

Bunday vaziyatda Navoiy o`z zamonasining ulkan jamiyatshunosi sifatida gavdalanadiki, u bergan ma`lumot XV asrdagi ijtimoiy munosabatlar tarixini o`rganishda hamon qimmatli manba sifatida xizmat qiladi.

Navoiy iqtidorli o`quvchilarni, olimlarni, kotiblarni, shoirlarni san`atkorlarni hurmat qilishga chorlaydi. Uningcha o`qish ham, o`qitish ham g`oyat mas`uliyatli ish, chunki beqiyos qunt, havas va g`ayratni talab etadi. Bolalarni savodli, bilimli qilish yo`lida o`qituvchi chekadigan zah, mat ozmuncha emas. Binobarin, shogirdning burchi, garchi ustoz unga bir harf o`rgatgan esa-

*VOLUME 3 / ISSUE 1 / UIF:8.2 / MODERNSCIENCE.UZ* 

da, o`sha ustoz hurmatini joyiga qo`ymoqdan iborat. Shogird ustozni umr bo`yi izzat qilmog`i, unutmasligi lozim:

Haq yo`lida kim senga bir harf o`qitmish ranj ila,

Aylamak bo`lmas ado oning haqin yuz ganj ila.

Asarning ikkinchi qismi «Hamida afʻol va zamima hisol xosiyatida» («Yaxshi feʻllar va xislatlar toʻgʻrisida») tarzida nomlangan va u oʻn bobdan iborat boʻlib, axloqiy masalalarga bagʻishlangan. Unda inson axloqi yaxshi feʻllar va yomon xislatlarga boʻlingan holda talqin qilinadi. Yaxshi feʻllar silsilasida tavba, qanoat, sabr, tavozeʻ va odob, ishq tavsiflanadi, ularning mohiyatini ochish niyatida kichik-kichik tamsiliy voqealar keltirilib, inson kamolotidagi ahamiyati koʻrsatiladi.

Asarning uchinchi qismi «Mutafarriqa favoyid va amsol surati» («Turli foydali maslahatlar va maqollar») tarzida nomlangan boʻlib, 118 tanbihdan tashkil topgan. «Oʻzbek tilining izohli lugʻati»da «tanbih» arabcha soʻz boʻlib, «nojoʻya xatti-harakat uchun beriladigan taʻzir, koyish, ogohlantirish yoki jazo» ( II t.,116-6.) tarzida izohlansa-da, Navoiyda u hikmat maʻnosida qoʻllangan. Zero, ularda Navoiy umr boʻyi kuzatgan hayotiy tajribalarini loʻnda, qisqa va obrazli qilib, aforistik darajada ifoda etgan. S.Gʻanieva toʻgʻri qayd etganidek, bu tanbihlarda «odam va odamiylik haqida, chin insoniy fazilatlar toʻgʻrisida asrlar mobaynida xalq tajribasi va bilimining qaymogʻi sifatida yigʻilgan fikrlar, shuningdek, Navoiyning uzoq hamda murakkab hayot tajribalarining natijalari, xulosalari keltirilgandir. Navoiyning oʻzi qayta-qayta takrorlagan «oz soʻz–soz soʻz» hikmatiga toʻla rioya qiladi va hech qanday mubolagʻasiz aytish mumkinki, deyarli xar bir jumla taʻkid va tanbih aforistik xarakterga ega boʻlgan hikmat va donolik namunalarini yaratadi.»

«Navoiy aforizmlari» nomi ostida ular alohida terilib, 1947-yilda Hodi Zarif va 1961- yilda Y.Eshongulovlar tomonidan kitobchalar shaklida nashr etilishi bejiz emas.

«Oʻziga bino qoʻygan odam-aqlsizdir; oʻziga zeb bergan-beor, satangdir» «Eshitmoq-kishini boyitadi; koʻp gapirmoq-sayozlatadi, koʻp gapirgan-koʻp yanglishadi. Koʻp yegan-koʻp yiqiladi. Tan kasalining asosi-koʻp yemakdir, qalb kasalining-sababi koʻp demakdir. Koʻp demaksoʻzga magʻrurlik, koʻp yemak-nafsga bandalikdir». «Takabburlikshayton ishi va manmanlik-nodon ishi.»

«Xudparastlikdan butparastlik yaxshiroqdir.» «Insoniyat bog`ining eng go`zal daraxtiehsondir va odamiylik xazinasining eng bebaho gavhari xam ehsondir.» «Saxovatsiz odamyog`insiz bahor bulutiga va hidi yo`q mushk-anbarga o`xshaydi.» «Himmat ahlining ixtisosisaxovatdir.» Himmatsiz kishi-er sonida emas,» Oliyhimmat odam-balandparvoz lochindir; behimmat-sichqon ovlovchi kalxatdir.» «Himmat egasi-qashshoq bo`lsa ham tubanlik qilmas; Himmatsiz odamxazina topsa ham buyuklarga teng bo`lmas.» «Yaxshiliklarni topmoqedirmoqdir; ayblarni yashirmoq-kiydirmoqdir.» «Aytur so`zni ayt, aytmas so`zdan qayt.»

Bular shoirning avlodlarga qaratilgan o`gitlarigina emas, balki barhayot da`vatlari bo`lib, zamonlar osha navqiron naslni komillik sari undab kelmoqda.

Buyuk mutafakkir ana shunday o`lmas g`oyalar bilan kishilikning yangi-yangi avlodlari qalbiga yo`l topib, mangulik kasb etib kelmoqda.

ISSN: 2181-3906 2024

# International scientific journal «MODERN SCIENCE AND RESEARCH»

**VOLUME 3 / ISSUE 1 / UIF:8.2 / MODERNSCIENCE.UZ** 

#### **REFERENCES**

- 1. Alisher Navoiy, Maxbub ul-qulub. Yoshlar matbuoti nashriyoti. T.: 2022, 142-bet
- 2. Alisher Navoiy, Hayrat ul-abror. Tamaddun nashriyoti, -T.: 2021(Sharh va nasriy bayon muallifi Akrom Malik. Uchinchi kitob. 11 20- maqolatlar va xotima), 32-bet
- 3. http://kh-davron.uz/kutubxona/islomiy-adabiyot/alisher-navoiy-arbaininingnasriy-bayoni-vataxriji.htm